

KATTO KATNE KI RI

BAD

**KI JAITBYNRIEW BA PAW NAM
HA KA PYRTHEI RIM**



Da

U Garlinwell Bareh

—1995—

Acc. No. 1417/EK, 1

Class No. _____ Book No. _____

Author Barch Gaslinwell

Title Katto Katne Ki Ri Bad

Ki Jaithyrniw ba paw Nam Ha ka

Borrower's Pyipai Keri

Acc. No. 1417/EK, 1

DISTRICT LIBRARY

GOVERNMENT OF MEGHALAYA

EAST KHASI HILLS

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-eared the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.

Help to keep this book fresh & clean

BAD

**Ki Jaitbynriew Ba Pawnam
Ha Ka Pyrthei Rim**



Ka Sien shon kaba ar

All Rights Reserved by Author





KA JINGLAMPHRANG IA KA SIEN SHON KARA AR

La nang pynbha bad pyaheh shuh shuh
ia kane ka kot ha ka sien shon kaba ar. Nga
sngewnguh shlbun eh ia ka Ibani Printing Press
ba ka la pynmih bad shon ia kane ka kot. Nga
kyrpad ia ki nongpule baieit ba kin ym sngew
ia ki jingbakla kiba don ha ka kot.

Jaiaw Laitdom }
Shillong - 2 }
19. 4. 1994 }

G. Bareh.



KA LYNNONG

	Page
1. Ki kyrdan ba pher jong ka jingkylla jong u briew ...	1 — 6
2. Ka jingshai jong ka ri Thor Tigris & Euphrates :- Sumer & Akkad, Babylonia, Assyria ...	7—16
3. Persia, Hebrew, Lydia, Phoenicia, Phillistia e/c	17—26
4. Egypt, India ...	27—38
5. Ka Dewlynnong Crete ...	39—41
6. China ...	41—43
7. America Mexico, Yucatan bad Peru ...	43—45

**Ki kyrdan bapher jong u briew naduh
ba u wan sha ka pyrthei.**

Ngim da tip bha haduh mynno ba la thaw bad buh bynriew ha kane ka pyrthei; hynrei bun ki riewstad ki ong ba u khun bynriew ula don ha kane ka pyrthei naduh kumba 300000 hajar snem shwa u Khrist. Ngi lah ban buh bynta ia ki kyrdan ba pher jong ka jingkylla jong u briew ha ka liang jong ka met ka phad bad ka jingmut jingpyrkhat ha kine ki bynta harum :-

1. Ka Juk Maw barim (Palaeolithic lane Old Stone Age) naduh c. 300000 B.C haduh 12000 B.C ("c" lane "circa" ha khmat u dak jingkheih jong kano kano ka snem ka mut "antad" ne "kumba"). Ki briew kiba nyngkong eh ki khar ia ki maw kiba don kylleng ha ka mariang bad ki pyndonkam ia ki tang shi sien pyndonkam, syriem kumba leh ki shrieh haba ki pynpait ia ka snepkor. Kine ki briew ba nyngkong eh ki pyndonkam ia ki maw ha kaba ot, kawang bad ter ter. Ki briew kiba don ha kane ka juk ki long kiba sniew briew bad ba la tap da u shniuh uba jrong. Ia ki shyieng ki shruh bad kiwei pat ki bynta ba sah na ki met ki phad jong kine ki riew hyn-dai la lap ha Trinil kaba don ha Java. Ka maloi khlleh, ki shyieng lbong bad ar tylli ki bniat ba la shem ha kane ka jaka ki pynshi-sha ka jingdon jong uta u jingthaw ba ki khot "Pithecanthropus Erectus", uba long u

kynja briew uba i kum u shrieh, tangba uba beik ka met ka phad bad uba iaik ar kjat.

Hapdeng utei u Pithecanthropus Erectus bad ki briew jong kane ka juk ba mynta, don sa kiwei pat ki jait. Kawei na kine ka long uta uba ki khot u "Neanderthal Man." Ia ki shyieng ki shruh jong u la lap ha Germany ha ka jaka ba ki khot Neanderthal hi. La ngeit ba une u shong usah ha Asia bad Western Germany hapdeng ka snem 25000 bad 20000 B.C. U la nang ban lit ia ki maw bad pynlong ia ki kum ki sum.

Hadien u Neanderthal Man wan mih pat sa ki Gro-Magnon bad ki Grimaldi. Ia ki shyieng ki shruh jong kine ki Gro-Magnon bad Grimaldi la lap ha France ha ki jaka ba ki khot Gro-Magnon bad Grimaldih. Ki Grimaldi ki long kum ki Negro bad ki Gro-Magnon ki ia sriem ia ki North American Indians. La don shibun ki jingkylla katba ki por ki nang-iaid, ki kti ki la kham lyngkot bad ka met ka la kham beik, ka jaka shong ka jabieng ka la kham heh bad ka bor pyrkhat ka la kham iar. U briew um long shuh kum u shrieh. U la kylla long u jingthaw uba da tip bad sngewthuh bha bad kumta la khot ia u, u "Homo Sapiens", uba long kum u riew mynta. La ngeit ruh ba kine baroh ar ki la don ha ka pyrthei ha ki por la kham shadien jong ka Palaeolithic Age. Katba ki por jong kane ka juk ki nang iaik shaphrang, la nang mih shuh ki jing kylla ba bun. Kawei na ki jing-

shem ba khrawtam jong u briew ha kato ka por ka la long ka jingnang ban pyndonkam ia ka ding, ia kaba lah ban ioh na ki volcalno no, ne da kaba kyrshut lang artylli ki kynja maw lein. Kine ki briew ki shong ha ki krem ki kroh. Ki kham pynlut ia ka por ha kaba beh mrad. Haba ki lait por ki dro ia ki dur ba itynnad ha ki kynroh jong ki krem ba ki shong bad ai rong itynnad ia ki.

Ka Juk Maw Thymmai (Neolithic lane New Stone Age) - Ia ki tiar maw dang pyndonkam hi, tangba ki la kham wan dur, itynnad, kham bha bad kham shah slem ban ia kito ba ju pyndonkam da ki briew ba im ha ka "Palaeolithic Age." Kaba phylla ka long kumno ba ki briew ba im ha kane ka Juk Maw Thymmai ki lah ban sam thliew ia u maw bad bsuh ia ki jingbat dieng ba skhem ha kita ki thliew. Kumta ngi lah ban ong ba la don ki tyrnem maw, ki mohkhiew maw, ki sum maw, ki wait maw bad ter ter. Nangta sdang mih sa ki ryntieh bad ki khnam, da kiba kito ki briew ki iada ialade na ki mrad khlaw kiba heh bad ba pynmynsaw bad pyniap ia ki. Dei ruh ha kane ka por ba ia ka shaka ne shalyntem maw bad ia ka lyngkor la shna. Ha kaba nyngkong ia ka ?kali ba la pyniaid da ka shaka maw la pyndonkam ha ki surok ha Sumeria, ban rah ?ban rong ia ki tiar na kawei ka jaka sha kawei pat.

Ki briew shwa ban kut kane ka juk kim long shuh ki nongiaid wir, hynrei ki la nang ban rep ban riang bad ri jingri. Nyngkong ki thaw ia ki iing ha ki um ba jyndong ban iada ialade na ki mrad khlaw bad kham hadien ki thaw ia ki iing shong jong ki kiba kham bha ba la thaw ha ryngkew. Ki ngeit ba ia ka jinglong baroh cawei, kata ia ka pyrthei, ka sngi u bnai bad ki khlur la pyniaid da kawei ka pyrthei ba donbor bad kumta ki mane ia ka kum ka 'lei kmie' (mother goddess). Ia kiba iap ki tep. Ha jingtep ki buh uwei u maw lyngkniap ba heh ba la pynshong halor saw tylli ki maw kyrshan.

3. Ka juk jong ki mar poh khyndew (Metal ne Chalcolithic Age) - ia ka jingpyndonkam ia ka ksiar bad ia ka rupa la tip la slem bah; hynrei ia kine ki artylli ki mar poh khyndew ba kordor la pyndonkam tang ha kaba shna ia ki jingdeng ba itynnad. Ha kaba shna ia ki tiar ki tar ba kham iaid kam bha, ka mar poh khyndew ba la kham pyndonkam mynshwa ka long ka tama. Na ka tama la thaw ia ki wait bad kiwei pat ki tiar. Hadien pat la shem ba nonglieh (bronze) ka la kham bha bad kham shah shibun ban ia ka tama. Ha ka 3rd millenium 3000 B.C. haduh' 2000 B.C.) la shem ba da kaba pynum ia ka tama bad ka tin bad ia khleh lang ia ki lah ban ioh ia ka 'nonglieh'. Ia ka tin la shem mynshwa ha Iran bad Spain. Kaba phylla ka long wat haba la lah ban thaw ia ki waitlam tama

bad rnong, pynban ki lyngdoh ha Mexico, ki pyniap ia ki briew da ki waitlam maw, haba ki knia ia ki ha duwan. Na u nar uba long u mar poh khyndew ba la shem kham hadien, la shna ki tiar bad jingtei ba kham shah slem. Wat ha kane ka juk ba mynta, ngi dang pyn-don kam hi ia u nar. Ngim lah ban ong sa ha ka juk aiu pat ngin rung, hynrei ngi lah pat ban ong ba mynta hi ngi la rung sa ha ka juk ba ki khot ka juk haw haw (Space Age). Ha kane ka juk ba mynta, ka jingstad jong u briew ka la poi ha ka kyrdan kaba kam pat ju poi mynshwa kaba la pynlah ia u ban suh khlieh da ki submarine ha ki byn-ta ba jylliew tam jong ki duriaw; ban ngami shapoh ki bynta ba jylliew jong ka meiram-ew bad khura ia ka spah ba don hangta, ban her sha suin da ki aeroplane ha ka jingstet kaba palat ia u pukni ba khlain tam; ban jngi ha ka haw haw da ki lieng haw haw kat haduh ban iuh kjat syndon ha u bnai. Mynta ki lieng haw haw khun bynriew ki dang swait, shon dur bad ia id tawiar ia u Mars bad Venus bad lehse ka por kan ym slem shuh ban poi ba ngin ioh ia ka jingtip ba thikna, ym tang ia kine artylli ki met bneng, hynrei ia kiwei ruh kumjuh. Nalor kata ia ka bor sngi bad bor ding la pyndonkam na ka bynta ka jingbit jong u briew.

Ki kynhun jong ki jaitbynrjew ba pher ha ka pyrthei.

Ia ki kynhun jong ki jaitbynrjew ba pher ha ka pyrthei lah ban buh bynta kumne :-

1. Ki Dohiong (the Black or Negroid type) Kine ki don ar jait — kiba lyngkot ; ia kiba ngi lah ban shem ha Malaya Islands, Phillipines, Australia, India, Sri Lanka bad South Africa. — Kiba jrong ia kiba ngi lah ban shem ha Central Africa bad Western Africa.

2. Ki Doh Stem — ia kiba ngi lah ban shem ha Formosa, China, Indo China bad ki dewlynnong naduh Japan haduh Lapland.

3. Ki Doh Lieh (the white or Caucasian Group) ia kiba ngi lah ban buh bynta pat kumne :-

(a), Ki Hametic kiba long ki nong Egypt hyndai bad kiba hiar pateng na ki.

(b). Ki Simetic kiba long ki nong Babylon, ki nong Assyria, ki Hebrew. ki Phoenicians bad ki Arab jong ki por hyndai bad kiba hiar pateng na ki.

(c). Ki Indo Europeans kiba long ki Greek, ki Roman bad katto katne kiwei pat ki nong Europe, bad katto katne ruh ki nong India bad ki nong Iran.

LYNNONG — 2

KA JINGSHAI JONG KA RI TIHOR TIGRIS BAD EUPHRATES.

Ka ri Mesopotamia ka tong ka ri ka ba sei soh. Ka don hapteng jong ka wah Tigris bad ka wah Euphrates. Kumta la ju khot ia ka “Ka ri hapteng ar tylli ki wah.” Namar ba ka ia syriem ia ka dur jong u bnai, haba u khun syriem ia ka ryntieh, shwa ba un pyllun, la ju khot ia ka da ka kyrting “fertile crescent”. Ki ri ba kham donkam jong kane ka bynta jong ka Asia ha ki por hyndai ki long kine.

1. Sumer bad Akkad.
2. Babylonia
3. Assyria.

1. Sumer bad Akkad - Don ki nongthoh History kiba ong ba ki nong Sumer (Sumerians) ki la poi nyngkong eh ha ri Mesopotamia ha ka snem 5000 B.C. Na kiei kiei kiba dang lap shem na ka jingshai bad jingstad jong ki, kum ki iingmane, ki shap ne muhor (seals), ki dak ba ki thoh etc, ngi lah ban ong ba ki long kiba la shai bha naduh ka snem 3500 B.C. Kine ki Sumerian ki long ki briew kiba stem snieh doh bad nep khmut. Ki la nang ban pyndonkam ia ka rning bad ki tei ia ki temple jong ki da u maw it. Ki ri ia ki masi, blang, langbrot bad kada hynrei kim don kulai. Ki phong da ki jain sai wul bad khi ia ki khlieh. Ki don shibun ki hima rit ha Sumer bad ki nongbah ba kham kongsan, ki long ka Ur, ka Uruk, ka Lagash, ka Larsa,

ka Uma bad ka Eridu. Kine ki hima rit ki shim ia ki kyrteng jong ki nongbah jong ki. Ha ka snem 2800 B.C. ki syiem ki kmie ki synshar ia kine ki hima rit. Ki nong Sumer ki ngeit ba ki syiem ki long ki nongmih khmat jong ki blei kiba long ki trai kynrad jong ki hima. Bunsien don ka jingia tyngkhuh hapteng ki syiem bad rangbah lyngdoh. Haba iap u syiem ia ki nongbud, nong synran bad ki shakri shakor jong u la pyniap bad tep lang bad u, khnang ba ki lah ban synran bad bud ia u sha kawei pat ka pyrthei. Wat ia ki kali bad ki masi ba ring ia ki la leh kumjuh. Kine ki hima rit ki ju ia leh thma kawei bad kawei pat. Ka hima kaba la kiew khlich nyngkong eh ka long ka Lagash, hynrei hadien ka la shah pyndem ha ka Uma. Ka hima Ur kham hadien shah shuh ka la pyndem ia kiwei pat ki hima bad ka long ka kynrad ha ka ri Mesopotamia baroh kawei. Ka Sumer ka don ha ka bynta ba shathei bad ka Akkad pat ha ka bynta ba shatei jong ka Mesopotamia.

Ka la don ka jingiatyngkhuh hapteng ka Sumer bad ka Akkad. Ki Semitic jong ka Akkad hapoh ka jingialam jong u Sargon I ki la pyniasoh ia ka bad ka Sumer ha ka snem 2750 B.C. Ia ka hima ba la ieng da u la khot ka "Sumer Akkadian Empire". Ka-ne ka hima ka iar naduh Persian Gulf haduh ka Mediterranean Sea. Ka la neh kumba 200 snem bad ka la kyllon noh haba ki Elam

ki la jop ia ki bad hadien jong ki pat da
 ki Amor. Ki Amor ki long ki kynja Negro kiba
 la wan na Southern Persia bad ki Amor pat
 ki long ki Semitic.

Ka jingshai jong ki Sumerian :-

(a). Ki dak--Ka jingshai jong ki Sumerian
 lehse ka la sdang naduh ka snem 3200 B.C.
 Ka kyrdan ba nyngkong eh jong ki dak jong
 ki, long kum ki Pictograms, kata ka mut ki dur
 ki dar kiba ieng na ka bynta jong kiei kiei
 kiba ngi lah ban iohi da ki khmat. Ia kine
 la pruid ha maw it lyngkniap.

Ka kyrdan kaba ar ka long ki ideogram.
 Da ki dur ki dar lah ban mut dur ia kaei
 kaei ba u briew u leh, kum u briew uba
 thiah ban mut "ba thiah ne ban thiah".

Ka kyrdan kaba lai ka long ki Phono-
 gram. Kane ka mut ka jingpyniasoh lang ia
 ki ar tylli ki common noun ban pynlong ia
 kuwei ka abstract noun, kum "Bee" bad "Leaf"
 ban long ka abstract noun "Belief."

Ka kyrdan kaba saw ka long ki cuine
 form script. Kine ki long ki dak ba nep
 shlr kiba ieng na ka bynta ka jingkyntoh
 (syllable). Ia kine ki dak la thoh ha ki lyng-
 kniap maw it.

Ki thaw ia ki iingmane halor ki ryndan.
 Kine ki iingmane ki ia syriem ia ki lum bad
 la khot ia ki ki Zugeret.

Ki pynbynta ia ka snem ha ki bnai, ki taiew, ki sngi, ki kynta, ki minit bad ki second.

Ki rep ki riang bad ki ring um sha ki lyngkha na ki wah bad ki pung.

Ki thaw ki shalyntem ban rong ban rah ia ki mar ki mata.

Ka niam -- Ki mane ia ki 'lei lum 'lei wah 'lei muluk, 'lei khyrdop bad ia ki bor jong ka mariang bad kumjuh ruh ia kiei kiei kiba don ha ka sahit bneng. U An u long u 'lei sahit bneng. U Enlil, u khun jong u, u long trai kynrad jong ka Nippur. U long ruh u blei jong ki eriong erngit bad jong ka jingshai. Ka Nihursang ka long ka 'lei khyndew; u Enki u long u 'lei lum bad ka Inana ka long ka 'lei jingieit, bad ka long ruh ka trai kynrad ka jong ka Uruk. Ki ngeit ba ki syiem ki long ki nongmihkhmat jong ki blei.

KA HIMA BABYLONIA BA NYNG-KONG—Ka jingwan hiar thma jong ki Amor na sha sepgi ka la pynkulmar thlim ia ka ri Mesopotamia. Ki la jop ia ka Sumer bad Akkad. Ia kine artylli ki ri la khot da ka kyrteng "Babylonia". U Hammurabi u la long u syiem ba khraw tam jong ka Babylonia. Ha ki por ba mynshuwa ka nongbah Babylon jong ka Babylonia kam da long ka nongbah ba donnam, hynrei ha ka por jong u Hammurabi ka la kylla long ka kad khaii pateng kaba khraw, bad ka nongbah pdeng jong ka Babylonia ba

shatei bad ba shathie. U Hammurabi u la long u nongthaw aiñ uba khraw, bad la ngeit ba ka thup aiñ (code of laws) jong u ka la long ka thup aiñ ba nyingkong eh ha ka pyrthei. Kat kum kane ka thup aiñ ia ka society la bynta hapdeng (a) Kiba khraw ba tri (b) Ki nongkhañi bad ki nongrep (k) Ki mraw. Kine harum ki long katto katne na ki aiñ jong u:-

1. Lada uba khraw batri u khlóng ia ki khmat jong uwei pat uba khraw ba tri, ia ki khmat jong u ruh yn khlóng kumjuh. Lada u khlóng pat ia ki khmat jong uba kham hapoh ban ia u, un hap siew kuna.

2. Ki mraw ki lah ban thied ia ka jing-laitluid.

3. Ki kynthai ki dei ban ioh ia ka jaka ba ha khlieh ha ka imlang sahláng.

4. U nong-ai-ram um dei ban shim ka sut ba palat na u nong shim ram.

Ia ki ain jong ka la thoh ha u maw u ba jrong 8 ft.

Ka hima Babylonia ka la neh haduh ka snem 1200 B.C hába ki Elam na Mihngi ki la jop ia ka.

Ha ka por jong u Hammurabi (2067-2025 B.C) ki Semitic ki la leit hiar thma ia ka Egypt. Ia ki syiem jong ki la khot Hyksos kaba mut ki syiem langbrot (shepherd kings) kiba la synshar bun spah snem ia ka Egypt.

Ka hima Babylonia ka la neh haduh ka snem 1200 B.C haba ki Elam na Mihngi ki la jop ia ka.

Ka niam ka ktah jur ia uwei pa uwei bad. kawei pa kawei ka nong Babylon. Ki mane ia shibun ki blei kum ki 'lei khyrdop ki 'lei khara, ki 'lei mariang bad kiwei kiwei de. Uba kongsan eh na kine ki long u Bal (ne u Bel). U-Marduk uba long u 'lei sngi. Ka Ashtar ka long ka 'lei jingieit, kumba long ka Aphrodite ka 'lei Greek ne ka Venus ka 'lei Roman. Ki lyngdoh ki ju iathuh lypa; ia kiei kiei ki ban sa jia da kaba peit ia u dohnud jong ki mrad ba ki knia. Da kaba peit ia ka sngi, u Bnai bad ki khlur ki lah ban iathuh lypa ia ka jinglong jong ki saw aiom. Ki la nang pynbha shuh shuh ka perlandor jong ki nong Sumer, ka khaii ka pateng jong ki nyngkong eh sa kaba shu ia bujli ki mar tiar bad kham hadien pat ki sa thaw ia ka tara-jur ban thew ban woh. Ki ia khaii pateng bad ki nong Rome bad ki Greek. Hadien ka jingiap u Hammurabi, ka hima Babylonia ba nyngkong ka la sdang ban troin. Ki Hittite bad ki Kassite ki la wan hiar thma ia ka. Ki pyndonkam ia ki kulai thma bad atiar nar. Haba ki dang synshar ia ka Babylonia, ha ka bynta ba kham shaneng pat jong ka ri Mesopotamia, la mih sa kawei pat ka jaitbynriew ba ki khot "Mittani" bad la ngeit ba kane ka jait bynriew ka long ka jaitbynriew Aryan. Ka hima jong ki kam shym la neh slem, namar kim shym la lah ban ialeh pyr-

shah ia ki Assyrian kiba la jop ia ka ri Babylonia.

Ka Assyria ka don ha ka bynta ba shatei ka ri Mesopotania. Ha ka hajar spah snem kaba saw bad kaba lai. shuwa u Khrist, ka Ashur ne Asur ka la long ka nongbah kaba donkam jong ka Assyria, kane ka nongbah ka don hapdeng ka ri thor jong ka wah Tigris. Ka ioh ia kane ka kyrteng na u Ashur, u 'lei sngi. Ha ka por jong u Syiem Tilag Pilesar bad u Syiem Sargon II ka Assyria ka la long ka hima kaba donbor. U Sargon II u la shim ia kane ka kyrteng na u Sargon I, u nongseng ia ka hima Sumer Akkad, bad uba la im ha ka hajar snem kaba ar shwa u Khrist. U Sargon II u la jop ia ka Samaria ha ka snem 720 B. C. Senecherib (704-681 B. C.) u la long Syiem Assyria uba donbor tam. U la tei ia ka nongbah thymmai ha Nineveh. U la pyndem ia ka Juda bad ka Babylonia kiba la ialeh pyrshah ia u. U la jop ia ka Nile Delta bad ia ka Babylonia baroh kawei. Ha Egypt u Pharoah Psammetichus I u la beh noh ia ki Assyria na Egypt katba u Pharoah Necho II u la hiarthma ia ka Assyria bad jop ia ka. Ki nong Babylonia kiba long ki Semitic jong ka ri Mesopotamia ba shatei; ryngkat bad ki Medes bad ki Persian, ki la knieh noh ia ka Nineveh ha ka snem 606 B.C. Shen shen ia ka Assyria baroh kawei la jop da ki. Ia ka hima jong ki Medes la seng ha ka bynta ba shatei jong ka Assyria, hapoh u syiem Cyaxeres Ka Ecbatana ka long ka nong-

bah jong ki Medes. Ha ka bynta ba shathie pat la seng ia ka Hima Babylonia (ne Ghaldea) kaba ar hapoh u syiem Nobopolessar.

Ka niam jong ki Assyria—U blei ba kongsan eh jong ki u long u Ashur. Ki ngeit ba u long u blei uba runar shibun bad uba isih ia ki nongwei. Namar kata ka rukom kaba bha eh ban mane ia u ka long ban ialeh thma bad leh bein tyngch ia kiba shah jop. Bun na ki ki la shah khrai khlieh, shah khoh snieh im, shah thang im bad shah khleng noh ki khmat da u sum. Kine ki kam shyrkhei ki la long ka daw ba kongsan jong ka jingtroin jong ka hima Assyria.

Ki Assyria ki pyndonkam ia ki atiar nar bad ki kulai haba ki ialeh thma. Ki long ki nongot dur maw kiba nang. Ka dur jong u masi uba don ka khlieh briew bad ki thapniang ka long ka jing-ot dur maw ba itynnad.

KA HIMA BABYLONIA (NE GHAL-DEA) KABA AR—Ka Babylonia ka don shaphang shathie na ka hima Media. La seng ia ka da u Nobopolessar. U Syiem uba khraw tam jong ka u long u Nebuchadnezzar uba khraw la ka khun u la pynshong kurim bad u Cyaxeres, u Syiem Media. U la tei ia kita ki kper ba shu sdien ha Babylon ban pynsgewbha ia ka Mahadei jong u, ka Amatys kaba la wan na ki thain ri lum.

U Nebuchadnezzar u la pynjot ia ka Jerusalem bad ring mraw ia shibun ki Hebrew ha

ka snem 608 B.C. u Pharaoh Necho, hadien ba u la jop ia ka Syria bad ia u Syiem Jesiah jong ki Israel ha ka thma Megiddo, u la sdang ban kynrup sa ia ka Babylonia. La pynher krad ia u bad ka Egypt ka la long ka bynta jong ka hima Chaldea- U Syiem ba khadduh jong ka Babylonia u la long u Nabodinus uba la jop ia ka Judah bad Jerusalem.

Ki dak jong ka jingpra noh jong ka hima ki la sdang ban paw. U Nabodinus u la pyrkhath, ba da kaba wan rah ia ki blei na baroh ki jaka jong ka Babylonia, sha ka nongbah Babylon, u lah ban pynkhlañ pat ia ka jingsynshar jong u. Kane ka jingleh ka la pynthut shibun ch ia ki lyngdoh jong u blei Marduk. Ki la khot sngewbha ia u Cyrus (u Persian), u Syiem jong ka hima Media, ban long noh u Syiem jong ka Babylonia de. U Cyrus u la jop ia u Croesus, u syiem ba riewspah jong ka Lydia. U la wan hiar thma ia ka Babylonia ha ka snem 538 B.C. La ong ba ki shipai Mede bad Persia ki la ring noh ia ki um jong ka wah Euphrates shawei pat bad ki rung shapoh ka nongbah Babylon na ka lynti jong kane ka wah, ynda ka la rkhiang. Ki la rung suk shapoh ka nongbah khlem da don kano kano ruh ka jingialeh pyrshah.

La ong ba u Syiem khyinnah Belshezzar u dang pynlong ka jingkhawai bad iadih buaid bad kiba khraw batri, haba ka kti ka la mih ha pyrshah ka ding pynieng sharak bad thoh

ha ka kynroh ia ki ktien kiba long ka jingmaham ba ia ka hima jong u yn sa ai noh ha ki Mede bad ki Persian. Ia u Belshezzar la pyniap ha kata hi ka miet bad ia u Nabodinus pat la kem koidi.

Ki nong Babylonia, ki Assyrian bad kiwei pat ki jait bynriew ba shong ha Mesopotamia ki tud ia ki juh hi ki niam ki rukom. Ki mane ia kiei kiei kiba don ha ka mariang ne ka jingpynlong (creation). Ki kñaia ia ki mrad bad ai nguh ia ki blei jong ki. Ki blei jong ki ki ia syriem ia ki jong ki Greek, jong ki Roman, jong ki nong Egypt bad ki jong ki nong India jong ngi.

PERSIA - U Cyrus, u nong Persia, u la pyniasoh ia ki Mede bad ki Persian. U Cambyses, u khun jong u, u la jop ia ka Egypt, hynrei u la lamwir bad shah pyniap. U Darius, u khun u Hystaspes, uba long uwei na ki nongtrei jong u Cyrus, u la kiew khet ha ka jaka jong u Cambyses. La ong ba ka hima Persia ka long ka hima Aryan ba nyngkong eh. Hapoh jong u Darius ka iar naduh Black Sea haduh Egypt bad naduh Mecedonia ha Greece haduh katto katne ki jaka ha Punjab.

Ia ka hima la pynbynta ha ki 24 tylli ki jylla hapoh ki Governor (ne Satrap). U Satrap u long u khlieh duh ha ka jylla; hynrei u dei ban siew khajna shisien shi snem bad pynbiang shipai ia u Patsha. Ka jingsynshar ka iaid beit. Kawei pa kawei ka jylla, la ka long ka jylla Greek, ne Assyrian ne Hebrew ne Phoenician ka ioh ka jinglailtuid kaba pura ha ka leh niam leh rukom bad ban pyniaid ia ka ioh ka kot (Economic Life) jong ki briew katba ka ibit.

Ki don ki Officer ba kyrpang kiba peit bha ban ym don kano kano ka jingialeh pyrshah ia u Patsha. Don shibun ki surok kiba pait pnat na ka nongbah. Ka Hima ka don ruh ka kynhun lieng kaba heh. U Darius u la nang pynbha shuh shuh ia ka rukom phah dak (postal system) jong ki Assyria. Ia ka jingpyndonkam ia ka pisa tyngka (coinage) ia kaba la sdang nyngkong eh ha Lydia la

bud' ruh da ka Hima Persia. U Darius wat la u la long u Zorastrian (niam persia) u burom ruh ia kiwei pat ki niam. Uailad ia ki Jiw ban mane katba mon bad u tei ruh ia ki iingmane ha Egypt. Ka Hima ka neh kumba 200 snem, haba la jop ia ka da u Alexander uba khraw. Ka Babylon ka dang long hi ka nongbah ba donkam, hynrei ka nongbah Sorkar pat ka dei Susa. Ia ki kali thma ba la ring da ki kulai la pyndonkam da u Darius.

Ka Niam -- Kat kum ki khanatang, u Zoraster u la ioh ka kynja jingpynpaw na u Blei ha ka rukom jingiakren bad um ngeit satia ia ki blei thaw. U ong ba don artylli ki bor - ka jingbha bad ka jingsniew. Ka jing-im jong u brieve ha kane ka pyrthei ka long ka jingialeh ha pdeng kine artylli ki bor. U Blei Trai Nongthaw u long U Blei jong ka jingieit, ka jingkhuid bad ka jingshisha; hynrei u Ahriman, u Syiem jong ka jingdum u long nongshun jong u. U ong ba u Blei Trai Nongthaw, uba ki khot u Ormudst ne Ahuramazda u la thaw ia ka bneng bad ka pyrthei. Ka jingialeh hapdeng kine artylli ki bor (jingbha bad jingsniew) kan iineh katba u brieve u dang im; hynrei ha kaba khatduh u jop u Ormudst. U Ormudst um don dur maw ne iingmane. La mane ia u ha ka rukom ka ding, kaba long ka dak jong ka jingpynkhuid. Ia ki jinghikai jong u la thoh ha ka kitap ba khuid jong ki Parsec ba ki khot Zend Avesta. Ki met iap ki long kiba jakhlia. Ym dei ban

thang, ne tep ne bret ia ki ha ka um ba ioh ki pyn jakhlia ia ka, ne ia ka ding ne ia ka khyndew. Dei ban shu buh ia ki ha ki jaka ba la thaw khnang na ka bynta jong ki.

Ka thoh ka tar bad kiwei de jong ki Persian—Ki Persian ki pyndonkam ia ki cuineform jong ki Babylonia bad ki nang pynbha shuh shuh ia ki. Ki tei ia ki jingtei ba itynnad ha Persepolis bad Susa. Ki jingot dur jong ki ha u maw ki long kiba itynnad. Ia ka jingpyndonkam ia ka pisa tyngka ba la sdang ha Lydia la nang pynbha shuh shuh da ki Persian.

Ki Khun ISRAEL NE HEBREW - Ki dei ki jaitbynriew na kata ka kynhun ba ki khot Semitic. Kumta ki dei na kajuh ka thymmei bad ki Arab, ki Babylonian, ki Assyrian bad ter ter. Ym da tip bha naduh mynno ki la wan poi sha ki ri thor jong ka wah Tigris bad Euphrates ba sharum. Imat ki la wan poi sha kine ki ri thor ha kajuh hi ka por ba ki Elam bad ki Ammon ki la rung ha Sumer bad Akkad ha ka snem 2000 B.C. Ia ka Sumer bad Akkad la pyniasoh lang da ki Amor, bad la khot kyrteng ia kine ki artylli ki jaka tang da kawei ka kyrteng “Ka Hima Babylonia ne Chaldea Ba Nyngkong.” U Syiem ba khrawtam jong kane ka hima u la long u u Hammurabi uba la pynmih ia ka thup aiñ kaba nyngkong tam ha ka pyrthei. U dei u Amor bad la ngeit ba u Abraham, u kpa

tymmen jong ki Hebrew, u la im ha kajuh hi ka por bad une u Syiem ba khraw.

U Terah, u kpa jong u Abraham u la ialam ia u, ia u Lot (u ksiew jong u) bad ia ka Sara, ka tnga jong u na ka nongbah Ur jong ka ri Chaldea (Khaldi) sha Haran kaba don shaphang shatei lam mihngi na ka nongbah Ur, bad ha ka liang kamon jong ka wah Euphrates ba shaneng. U Terah u la iap hangne ha Haran. Na Haran u Abraham bad la ka iing ka sem ki la dei ban leit noh sha ri Cannan ka ba don sha mihngi jong ka Mediterranean Sea. Namar ba don ka nem sniew hangta, u la leit noh sha Egypt bad wan phai biang sha kajuh ka jaka ynda la kut ka nem sniew. Na u symbai jong u Abraham la mih ki 12 jait jong ki Israel kiba la nang ia roi ia par ha Canaan. Ha ka por jong u Joseph kiwei pat ki khun jong u Jakob (u khun jong u Abraham) ki la leit biang sha Egypt, namar ba la don biang ka nem sniew ha Canaan. Hadien ba ki la ia shong ha Egypt bad ia roi ia par hangta, bad hadien ba ki la iaid wir ia ka ri khlaw 40 snem, ki la wan hiar thma ia ka Canaan, na ki phang jong ka ri shyiap Arabia, kaba don shaphang mihngi na Canaan. Kane ka la jia hapdeng ka snem c 1600 B.C bad 1300 B.C. Ka rud duriaw mihngi jong ka Mediterranean kam shym ia hap ha ka kti jong ki Canaan ha kane ka por, hynrei kiba long kynrad halor jong ka, ki dei ki Philistia, ki brieve kiba wan na ki dewlynnong bad ki rud

duriaw jong ka Aegean Sea. Ki nongbah bakongsan jong kine ki Philistia ki long ka Gaza, Gath, Ashdod, Ascalen bad Joppa. Ki Philistia kim ai jingsuk satia ia ki Israel. Kumta ki la dei ban shong kham jngai na ka rud duriaw Mediterranean ha ki ri lum jong ka Canaan. Ki Isreal ki ialeh thma bad ki Philistia, ki Moab, ki Median bad kiwei de. Ki Isreal ki mane tang ia uwei u Blei uba im, hynrei teng teng kim lait na ki jingpynshoi ban mane ia ki Baalim, ki 'lei rep 'lei riang. Ha ki por ba mynshuwa, ia ki Isreal la synshar da ki nongsynshar lyngdoh (Priestly Judges).

KI JINGJIA BA KHAM DONKAM (NADUH 1000 B.C. HADUH 515 B.C.)

Ha ka spah snem 11 B.C. u Samuel u la pynsleh ia u Saul kum u Syiem ba nyngkong jong ka jait bynriew Hebrew. U la ia leh thma bad ki Philistia bad u la pynher krad ia ki, haba u David u la pyniap ia u Goliath, hynrei ha kaba khatduh ki Philistia ki la tangon tynggeh ia u bad ia ki shipai jong u. Haba u la iohi ba um lah shuh ban ia leh bad ki, u la pyniap ialade ha lum Gilboa ha ka snem c 1000 B.C.

U Syiem David (c 1000 B.C.-961 B.C.), uba la kiew khet hadien u Saul, u la ia teh lok bad u Hiran, u Syiem jong ka Tyre (ha Phoenicia). U Hiran u kwah ban ioh lynti khaï pateng lyngba ka hima Hebrew. Baroh shi katta ka khaï pateng jong ki nong Phoenicia

ki iaid lyngba ka Egypt sha Red Sea ; hynrei ka Egypt ha ka por u syiem David ka don hapteng ka kynrum kynram kaba jur. Ha ka por jong u ki 10 jait ki Israel ba shatei (Samaria) ki iasoh lang bad ki arjait ba shathie (Juda). Ia ka nongbah Jerusalem la kham pyniar shuh shuh bad ka kynthup ruh ia ki katto katne ki jaka ha Syria bad katto katne ki ri harud ka wah Jordan mihngi-

U Syiem Solomon (961 B.C.-922 B.C.) u long u khun jong u Syiem David na ka Bathsheba. U ruh u iateh lok bad u Syiem Hiran. Ka jingshem ia ka par tama harud ka Red Sea ka la nang pyniar ia ka khaïi pateng hapteng ki Israel bad ki nong Phoenicia. U Hiran u la pynbiang ia ki tiar ki tar ban tei ia ka temple bad da lane, u ioh pat ka lad ban pyniaid ia ki lieng jong u sha Red Sea lyngba ka hima Israel. U Solomon u la shong kurim ia ka khun u Pharaoh.

U Syiem Rehoboam (922 B.C.-915 B.C.)- U long u khun jong u Solomon. Um treh ban pynduna ia ka khajna jong ki 10 jait ba shatei. Kumta ki 10 jait ba shatei ki la ialeh pyrshah ia u bad seng ia ka hima laitluid ba ki khot Israel. Ki 2 jait ba shathie ki kohnguh syiem ia u.

U Ahad— u long u khun jong u Omri. U la shong kurim ia ka Jezebel-ka khun jong u Ethbal, u Syiem jong ka Sidon. U Ahad u la long u nong-mane ia u Baal. U la syn-

shar halor ki Israel bad Samaria 22 snem, Ha ka snem 853 B.C. u la jop ia ki Assyria. kiba la wan hiar thma ia ki Israel. U la jop ia ki ha Oarqar. Ha ka spah snem kaba bud, kata ha ka 721 B.C. Ki Assyria ki la pynjot ia ka Samaria bad ring mraw ia ki 12 jait ki Israel ba shatei. Kine ki 12 jait ki la shu jah lngaiñ noh.

U Syiem Josiah (640 B.C.— 608 B.C.)— U Syiem Josiah jong ka Judah ne Samaria, u la ialeh pyrshah ia ki Assyria, hynrei u la shah jop. U la ialeh thma ruh ia u Pharaoh Necho, hynrei u la shah jop bad shah pyniap ha ka snem 608 B.C.

Ki Khaldi ne ki Neo Babylonians ha ka por jong ka jingsynshar jong u Syiem Nebuchadnezzar, ki la pynjot ia ka Judah, bad jop ia ki 2 jait ki Hebrew ba shathie ha ka snem 587 B. C. La ring mraw ia shibun ki nong Judah sha Babylon. Ki la wan phai pat sha Judah ha ka snem 583 B.C. haba u Cyrus u la jop ia ka Babylonia bad pyllait mraw ia ki. U Cyrus u la ai ia ki khiew ki pliang jong ka temple ha u Sheshbasar, u nongialam jong ki Juda .

U Syiem Artaseksis, ha kaba nyngkong u la khang ia ki ban tei ia ka temple, hynrei hadien pat u la hukum ia ki ban tei ia ka. Kumjuh ruh u Darius, haba ki nongshun jong ki Hebrew ki la uxor ban tei ia ka, ha kaba nyngkong um shah hynrei hadien pat u la shah. Kumta ia ka temple kaba ar la tei da

u. Zerubabel naduh ka snem 520 B. C. haduh ka snem 515 B. C. Ha ka por jong u Ahasueros; u Syiem Persia uba saw, ki Hebrew ki la ioh ia ka jingsngewbha jong u.

LYDIA — Ka don ha ka bynta ba sha sepngi jong ka Asia Minor. La pyniakhlad ia ka na ka Greece da ka duriaw Aegean. Ki dewlynnong kiba don ka Duriaw Aegean la khot ki Ionian Islands. U Syiem Cyges (685 B.C-657 B.C.) u la seng ia ka nongbah jong u ha Sardis. Ia ka pisa tyngka la pyndonkam nyngkong eh da ki nong Lydia. U Syiem Croesus ba riewspah, u khun jong u Alyaties, u la pyn-dem lut ia ki jaka ha Greece, ha Ionia bad ha Aeolian. Kumta ka hima jong u ka la iar naduh ka wah Halys haduh ka duriaw Aegean; hynrei ia ka ktien Greek la pyndonkam hi bad ia ki blei Greek la mane ha Lydia. Kumta ki Greek kim niew ba ki Lydia ki dei ki riewkhlaw. U Croesus u la kwah ban pynlong ia ka Lydia ka bor duriaw kaba khraw. Ia u Hystages u kynum jong u, la weng noh na ka khet Media, da u Cyrus, u nongjop pyrtnei. U Cyrus u la jop ia ka Lydia. Ia ka nongbah Sardis la pynkyllon pum. Ka jingiathuh khana ka ong ba u Cyrus u la thaw ia ka jingthaw ban thang ia u Croesus ba la teh da ki kynjri, ryngkat bad 14 ngut ki samla Lydia. Haba la ai ding u Croesus u la kynmaw ia u Solon. U la kren mian mian ia ki ktien jong u Solon kiba ong ba u briew un ym ioh jingsuk satia katba u dang don ha ka pyrtnei. Haba la kylli ia u da u Cyrus, u kren aiu, u Croesus u la jubab

ba u kren ia kaei ba u Solon u la kren kham mynshuwa. Khlek u Cyrus u la kynmaw ba ma u ruh u long u briew bad u la hukum ba dei ban pynlip noh ia ka ding; hynrei ym shym la lah satia ban pynlip ia ka. U Croesus u la duwai jur ia u blei Appolo ban iarap ia u. U slap uba jur u la hap bad ka ding ka la lip.

PHOENICA - ka don shathie na Lydia harud ka duriaw Mediterranean. Ha ki por hyndai ka la long ka bor duriaw kaba khraw. Ki lieng Phoenicia ki poi kylleng ki jaka ha ka Mediterranean sea bad ki nong Phoenicia ki seng ia ki kad lieng ba khraw ha ki dewlynnong bad rud duriaw jong ka Ka Phoenicia ka la ieng rasong bha ha ka por jong ka jingsynshar jong u Syiem Hiran (c 970-940 B.C.) uba la iateh lok bad u Syiem Solomon jong ki Israel. Ka Tyre ka long ka nongbah jong ka Phoenicia. Ki nong Phoenicia ki la seng ia ka jaka buhai shnong kaba khraw ha Africa ba ki khot Carthange.

Ki PHILISTIA - Ym da tip thikna bha hangno ki shong mynshuwa hynrei bun ki ong ba ka iing tynrai jong ki mynshuwa ka long ha ki dewlynnong bad rud duriaw jong ka Aegean Sea. Ki long ki nongtuh duriaw kiba la hiar thma ia ki rud duriaw Egypt, hynrei ki la shah pynher krad ha u Pharoah Ramesses III (1180 B.C.) Hadien ki la shong neh ha ki rud duriaw Palestine ha kaba ki la seng ia ki nongbah Gaza, Gath, Ashdod, Ascalon, Joppa bad kiwei kiwei de. Ki ialeh thma bad

ki Isracl kiba shong ha ki jaka ri lum jong ka Palestine mihngi, kham jngai narud duriaw. Ka jingshai jong ki (civilisation) ka long sriem kum ka jong kito ki briew kiba shong ha ka dewlynnong Crete (Minoan Civilisation). Ki mane ia u Baal, u 'lei rep 'lei riang bad ia u Dagon.

KI ARMEANS - Ki long ki briew kiba don nam ha Syria ha ka spah snem kaba khadar shwa u Khrist. Ki la seng ia ka hima Syria-Hittite (Syro Hittite). Ka nongbah jong ki ka long ka Damascus. Kumba ki Phoenician ki long ki nongkhahi duriaw ba khraw, ki Armeans pat ki long ki nongkhahi ryngkew ba don nam. Ki lynti khaïi. jong ki da ki ut (caravan routes) ki saphriang kylleng ka Damascus. Ki la shah jop ha ka Assyria.

KI HITTITE — Ki shong ha Anatolia (Turkey). Ki la shim bad pyndonkam ia ka civilisation jong ki Hurian kiba synshar ia ka Syria. Ki la jop ia u Pharoah Rameses II ha ka Kadesh bad ka hima jong ki ka la ieng rasong.

PHRYGIA — Kane ka ri ka don sha mihngi na Lydia bad shathie na ka Black Sea. U Midas u la long uwei na ki Syiem ba khraw jong ka Phrygia. Ka Gardium ka long ka nongbah jong ka Phrygia.

EGYPT BAD INDIA.

Ia ka Upper Egypt (Egypt ba sha neng) bad ka Lower Egypt (Egypt ba sharum) la pyniasoh lang ha ka snem, c 3500 B.C. Ka nangbah jong ka ka long ka Memphis, kaba don hamar ba sdang ka Delta jong ka wah Nile. Ia ka History jong ka Egypt lah ban buh bynta kumue harum :-

(a). KA HIMA RIM (3500 B.C.-2360 B.C. Ki nong Egypt ki long na kata ka kynthun jong ki jaitbynriew ba ki khot Hamite kiba iadei kur bad ki Semitic. Ka jingshai jong ki ka la sdang ryngkat bad ka jingshai jong ki nong Sumer. Ha ka snem 2000 B.C. la sdang ia ka rep ka riang ha ka ri thor Nile. Ka Egypt ha kata ka por ka long ka ri kaba don shibun ki shnong rit ba ki khot ki "Nomes." Ia kine ki Nomes la synshar da ki nongialam jong kiba khraw batri bad kawei pa kawei ka Nomes ka don la ka jong ka lama kaba don ka dur u crocodile, ne u kbeit ne uno uno ne kano kano ka jingthaw ba im. Ha ka snem 3500 B.C. ia ka ri Egypt ba shaneng (Upper Egypt) la pyniasoh bad ka ri Egypt ba sharum (Lower Egypt), da u Menes uba long u pharaoh ba nyngkong eh. U synshar na Memphis bad u phong artylli ki pansngiat, u don artylli ki jaka shong bad artylli ki jingtep ba la khreh lypa. Ki nong Egypt ki ngeit ba ka jinglong syiem ka la sdang naduh ba la thaw ia ka duriaw, ka

sahit bneng, ki lum ki wah bad ter ter. Ha Mesopotamia la ngeit ba ki Syiem ki long ki nongniih khmat jong ki blei, hynrei ki nong Egypt pat ki ngeit ba u Syiem u long u blei hi, ban pynneh ia ka jinglong Syiem ha la iing la sem, u Pharaoh u shong kurim ia la ka para ne ka hymmen. Ki ngeit ba u Pharaoh u long u khun jong u blei Ra bad kumta u don ha u ki jinglong ba kynja blei. Ki ngeit ruh ba ki pyramid ki pyniasoh lang ia ka bneng bad ka pyrtnei. la u Pyramid ba nyngkong ch la tei da u Pharaoh Imhotep ha ka snem 2600 B.C. U Pyramid ba heh tam u long uba la tei da u Pharaoh Khufu ne Cheops ha Gizah. la kiwei pat ki Pyramid la tei ha Khafre (ne Chepran) bad Mankaura (ne Mycrinus). Ka nongbah jong ka ka long ka Memphis.

Ka Hima rim ka la neh haduh ka snem 2360 B.C. Hadien kane ka snem ki jingban bein da ki nongsynshar ia kiba shah synshar ka la pynmih ia ki jingiakhiih pyrshah kiba long ka daw jong ka jingkyllon noh jong ka hima.

(a). KA HIMA PDENG (2160 B.C.) 1800-B.C. Ka Thebes ka long ka nongbah jong ka hima pdeng. Kiba khraw batri ki lum khajna na ki Nomes bad ki dawa ba ma ki ruh ki don ka jinglong blei kum u Pharaoh hi. Ki ju pyrkhath ba ki ruh kin sa ia kynduh ia u 'lei Osiris ynda ki iap bad kumta kim kwah ban iehnoh ia la ki Nomes, bad

shu pynlut kai ia ka por ha iing u Syiem. Ki kwah ba yn tep ia ki ha la ki jong hi ki Nomes. Ka Hima pdeng ka la ieng rasong ha ka por jong ka jingsynshar jong u Sinusert (Sesotris III.) Ka la kyllon noh ha ka por u Pharaoh Amenhai, uba long u nongsynshar uba tlot. Ki Hyksos kiba shong ha Palestine bad ha Syria ki la hiar thma ia ka Egypt bad jop ia ka.

KA HIMA THYMMAI (c 600 B.C. 1000 B.C) ka nongbah jong ka ka long ka Thebes bad hadien pat ka Akaketon. U Pharaoh Ahemse (1575-1550 B.C.) u la beh noh ia ki Hyksos na ri Egypt ha ka snem 1570 B.C. U Pharaoh Thutinosé I (c 1258 - 1495 B.C.) u nang pyniar shuh shuh ia ka hima. Ha kane ka por ki Pharaoh ki la nang haduh ka Ri Ther Tigris - Euphrates. Ka Hatesu ne ka Hapshepsul, ka Pharaoh kynthéi ka la pynshur bad kyrshan bha ia ki kam bani. U Thumuse, u khun jong ka, ruh u la nang pyniar ia ka hima. U Amenhotep I u long u nongjop pyrthei hynrei ha ka por u Amenhotep IV ka hima ka la sdang troin.

Ha ka hima rim ki lyngdoh jong u blei Ra ki ia long kiba donbor, hynrei ha ka hima thymmai, ki lyngdoh jong u Amen pat ki kham donbor shuh shuh. U Amenhotep IV u la kwah ban pynduh noh ia ka jingmane ia shibun ki blei bad u kwah ba baroh kin mane noh tang ia u 'lei Lyngwiar Sngi

(Sun Disk). Ia ka ingmane ha Karnak ha kaba ia u Amen Ra la mane la khang khyrdep. Kane ka la pynmih ia ka jingialeh pyrshah kaba jur na ki lyngdoh jong u Amen bad jong kiwei pat ki blei. Kumta ka jingpyrshang jong u Amenhotep ka la pulom. Ia ka jingmane ia ki blei ba shim ia ka dur jong ki mrad, la pynmih biang da u pyrsa kurim jong u, u Tuthankameh. U Amenhotep u la kylla kyrteng "AKHNATON" bad u la pynkynriah ia ka nongbah jong u na Thabes sha Akhetaton.

Ha ka por jong ka ka jingsynshar Pharaoh Seti I bad u Ramses II (c 1290-1224 B.C.) ka burom jong ka ri Egypt ka la khie im pat. La ngeit ba u Ramses II u dei u Pharaoh ha ka por u Jospeh. Hadien ka jingiap jong u ki Hyksos ki la jop ia ka Egypt ha ka thma ha kadesh ha ka snem 1287 B.C. Ka Hima thymmai ka la kut noh ha ka snem 1090 B.C. Ha ka snem 700 B.C. ki Assyria ki la jop ia ka Egypt. Ha ka snem 525 B.C. ka Egypt ka la hap ha ka kti jong ki Persia bad ha ka snem 323 B.C. pat u Alexander uba Khraw u la jop ia ka. Ha ka snem 30 A.D. ka la kylla long ka bynta jong ka Hima Rome.

Ka Niam jong ki nong Egypt—Ki mane ia shibun ki 'lei kynthei bad 'lei shynrang. Katto katne na kine ki blei ki shim lang ia ka dur mrad bad dur briew, katba katto katne pat ki shim tang ia ka dur mrad. U Ptah u blei jong ka Memphis u shim ia ka dur u

masi kyr tong. U Horus pat u don ka khlieh kbeit bad ka met briew. Ka Hathor ka 'lei Mei Ramew ka shim ia ka dur jong ka masi kynthei. La ong ba u Osiris, u blei jong ka wah Nile bad uba la pyniasoh ia ki pynta jong ka; u la shong kurim ia la ka para: ka Isis, U Set u para jong u, u la pyniap ia u. U la pom tukra ia ka met jong u bad bret saphriang kylleng ka ri Egypt. La ong ba ka Isis ka la lum ia kine ki lyngkhot lyngkhai jong ka met jong u bad pynim pat ia u. U Horus u khun jong u Osiris u la pyniap ia u Set u blei ba kongsan u long Ra, u 'lei sngi; hynrei ha ka hima rim ki ngeit ba haba u Pharaoh u iap, un leit phai biang sha u Osiris, u blei jong ka wah Nile. Ki nong Egypt ki khein kyntang ia u masi bad ka masi.

Ka jinglong Syiem ha Mesopatamia la ju niew ba ki Syiem ki Kmie ki long ki nong-mihkhmat jong ki blei. Ha Egypt pat ki ngeit ba u Pharaoh u long u khun jong u Ra, u 'lei sngi, bad kumta u don ha u ki bor blei bad jinglong blei. U Pharaoh u long u Rangbah shipai bad Nongbishar (judge) ba ha khlieh duh. Hapoh jong u don ki lyngdoh bad kiba khraw batri. Ia ka hima la phiah ha ki jylla kiba bun ba ki khot "Nomes". Kawei pa kawei na kine ki Nomes ka don hapoh ka jingpyniaid ki Monarch uba long kum u Governor. U Monarch u lum khajna ha la ka jong ka Nomes. Hapoh jong ki bakhraw batri pat don ki nongkhahi bad hapoh jong kine ki nongkhahi pat don ki nongpuh khyndew ba ki khot ki Fellahin;

ki bym lah ban iehnoh ia ka khyndew jong ki bakhraw batri, ha kaba ki shong. Nyngkong ia ka khyndew la puh da u mohkhiew, hynrei tang khyndiat por shuwa ka snem 2000 B. C. ki nong Egypt ki la nang ban pyndonkam ia ka lyngkor ba la ring da ki artylli ki 'si lur. Khnang ban pynneh ia ka jinglong blei ha la iing la sem u Pharaoh u shong kurim ia la ka jong ka para ne ka hynmen.

Ki Pyramid — Ki nong Egypt kim ngeit ba kaka kut jong ka jingim jong u briew ha ka pyrthei ka long ka jingiap. Ki ngeit ba ka mynsiem kan iai im, tang lada ka met ka ioh ia ka jaka shong neh ha ka pyrthei. Kumta ki kyllan dawai ia ka met ba kan ym sniew. Ia kane ka met iap ba la kyllan dawai ki khot ki "Mummy". Ia ki por ba mynshuwa eh, ia kine ki Mummy la tep ha ki jingtep ba jyndong, hynrei kham hadien pat la buh ia ki ha ki krem maw. Ia ki Mummy jong ki Pharaoh jong ka jait Syiem 19 haduh 21 la lap ha ki krem maw hajan Thebes. Ka khmat jong ki ka dang i hi kum ha ka por ba ki dang im. Ia ki jingbam bad kiwei pat ki jingdonkam jong u Syiem la buh lang ha kine ki krem maw. Ha ri Mesopotamia ka la ju long ka rukom ba ia ka lok, ki mraw, ki nongbud, ki shakri shakor, u sum bad ka ryntieh jong u Syiem dei ban da pynlong jingknia, kumta ba un ioh leit sha kawei pat ka ri ryngkat bad la ka tnga, ki nongbud nongsynran bad ki shakri shakor ki ban iada ia u ha lynti. Haba la plie ia uwei u maw jingtep ha Ur,

la shem ba haba u Syiem u iap, ia ki nongbud bad ki shakri shakor bad wat ia ki kali ba la ring da ki masi ne kulai, la tep lang bad u, khnang ba un ioh leit sha kawei pat ka pyrthei ryngkat bad ki. Ka la long kumta ruh ha ri Egypt ha ki por mynshwa, hynrei katba ki por ki nang ia id ia kane ka rukom ba shyrkhei, la pynduh noh, da kaba pyndonkam ia ki nongmuna, kum ki dur maw, ha ka jaka jong ki nongsynran, shakri shakor bad ter ter jong u Syiem ba la iap.

Ia ki pyramid la tei kham hadien kum ki mot jingtep jong ki Pharaoh. Hapoh jong ki don shibun ki kamra. Ha ka kamra ba hapdeng eh la buh ka Mumny. Kine ki pyramid ki long ki jaka shong jong ka "Ka". Kata ka mut ka met. Ha ki kynroh jong ki kamra la pruid ia ki dur ba la ai rong itynnad. Ha ki katto katne ki kynroh yn iohi ia ka dur jong ki Pharaoh. Ki shna ruh ia uta u dur maw ba don ka khlieh bad met jong u sing ba ki khot Sphinx.

KA THOH KA TAR - - Ki Hierolyphics ki long ki dur ban pynpaw ia ka jingmut jong kano kano, kum u briew uba dem khohsiew ban mut "mane". Ia kine ki dur la ot ha ki maw, ki kynroh bad thoh ha u papyrus. La pyndonkam ia kine ki dur kumba 30 spah hajar snem, bad hadien kane ka por ba jrong, namar ka daw jong ki thma bad ki kynrum kynram ha shnong ha thaw, ia kane la bat tang da ki lyngdoh.

Kham hadien, ki dur kim ieng shuh na ka bynta kiei kiei, hynrei la pyndonkam pat ia ki tang na ka bynta ka jingkyonoh ia ki ktien. Ka dur jong u sing (Lion) kam mut shuh u mrad khlaw, hynrei ka ieng na ka bynta ka jingsawa ne jingkyonoh ia u dak "L" - (Lion).

Ha ka 7th century B.C. ia ka rukom thoh dak ba ki khot Demotic la shem. Da kane ka rukom lah ban thoh kham kloï ia ki dak. Ia kine ki dak la pyniasoh lang ban pynlong ia kawei ka ktien. Ki thoh ia kine da ki khulom ba la shna na u khah (reed) bad da ka sia ba la thaw na ka um jong ki dieng.

Ia baroh ki dak ha ka pyrthei, la pyndonkam ha ki por ba kham hadien, na ka jingiaxhle lang ia ki Sumarian Cuineform bad Egyptian Hierolyphics.

KA JINGSTAD JONG KI NONG EGYPT BAN PYNNEH SLEM IA KI MET IAP KHLEM PYUT NE SNIEW DUR. Mar ia iap u Pharaoh ia ka met jong u la kit da ka lieng na ka wah Nile sha ka liang ba shaphang mihngi jong ka. Ynda la poi ha ka jaka ba dei ban sangeh ha ka rud wah, ha ka liang Mihngi, la rah ia ka bad la pynlong ia ka jingiaid paitbah ba la ialam da u Rangbah Lyngdoh, sha ka iing jaiñ kyllan dawai (embalming tent). Hangta ki lyngdoh ki ia kynud jingrwai, katba ki nongkyllan dawai pat ki trei la ki kam. U nongkyllan dawai

Rangbah u phong ia ka bula myrsiang. Lehse kane ka lah ban long na ka daw ba ki myrsiang ki ju jlew ha ki jingtep ba jyndong ha ri shyiap bad ka lah ruh ban long ba u phong ia kane ka bula, namar ba don uwei u blei, uba don ka khlieh kum ka khlieh myrsiang uba ki khot u Anubis, uba ki ngeit ba u long u nong lam lynti ia ki nongiap. Ka kam ba ki leh nyngkong eh ha ka iing jaiñ kyllan dawai ka long ba uwei un puid ia ka kpoh da ka wait maw na Ethiopia bad un khlong noh ia ki snier ki snap bad kiwei pat ki dkhot met na ka krem kpoh, lait noh u dohnud. Ia kine yn kyllan dawai bad thep ha ki 4 tylli ki khiew, bad ia kine yn sa buh lang ha ka jaka ba dei ban buh lang bad ka met. Hadien kane ki sa pyndap ia ka krem kpoh da ka jaiñ linen, ba la kyllan dawai, khnang ba kan wan biang ka dur jong ka kaba mynshuwa. Ia ki khmat peit ki khlong noh bad buh da ki maw kordor. Ia ka jabieng ruh la weng noh. Nangta ia ka met baroh kawei yn spain da ka jaiñ linen. Ka jingkyllan dawai ia ka met ka shim por kumba 70 sngi.

Hadien wan sa ka leh niam leh rukom. Ia ka met la pynieng beit. Ia ka shyntur la pynang khnang ba u nongiap u lah ban bam ban dih bad ban iasaid ha khmat u Osiris, uta u nongbishar ia ki nongiap. U lyngdoh un ong "Phi dang im, phi, phi dang samla" bad nangne, la ngeit ba kan sdang ka jingiaid lynti jong u nongiap sha ka iing bishar u Osiris. Ki ngeit ba kane ka jingiaid lynti ka long

lyngba ki liewlep bad ka jing dum ba shyrkhei. Ki ksuid ki pyndik ia ka lieng kaba kit ia u nongiap. Ha khyrdop jong ka iing bishar artylli ki bsein kiba i shyrkhei ki ap. Lada u nongiap u lah ban ia id lyngba kine ki jingeh, un sa ia kynduh markhmat bad u Osiris u ban hukum ia ki 42 ngut ki shakri jong u ban thew ia u dohnud jong u. Haba la thaw kumta, lada ka tarajur ka noh shiliang da ki kam sniew, u nongiap mar kumta hi un shah nguid ha u Crocodile. Lada ki kam ba bha jong u pat ki kham khia ban ia ki kam sniew, un, sa poi keiñ sha kata ka ri ba itynnad kaba ia syriem ia ka ri Egypt hi.

Ha ki kynroh jong ki kamra ba ki buh ia ki metiap, la dro ia ki dur kiba pyni ia ki kam ba bha ba la leh da u Pharaoh. Ia kiei kiei ba u ju pyndonkam haba u dang im, la buh lang hangta.

**KA JINGSHAI JONG KA RI THOR
BAD JONGKA WATI INDUS**

Ia kumba 5000 snem mynshuwa, ki briew kiba la shai bad sngewthuh ki shong ha kaba bun ki jaka jong ka ri thor Indus bad kumjuh ruh ha ki kiwei pat ki bynta jong ka ri India ba shaphang shatei lam sepngi. Ki shnong ba kongsan jong ki ki long ka Mohenjadarobal kot Fih ha Sind; Ka Harrapa bad la Ragar ha Pu jab; ka Kalibangan ha Rajasthan bad ka Lothal ha Gujarat. Ban shu ong lyigkot kane ka jingshai ka don ha Punjab, Sind. Uda hisa bad kotto katne ki jaka ha Rajasthan. Ha kito ki por jong ka Mynnor Bah ka Sind ka la long ka jaka ba seisoh bad ioh slap pahuh.

Na kiei kiei kiba sah na kata ka jingshai. Ka paw ba kito ki briew ki nang bha ban thaw bad pynitynnad ia ki sor'bad ki nongbah. Ki iing ba ki thaw kim long kiba kynrum kynram, hynrei ba la mut dur itynnad bha. Ia ki iing la thaw da u 'maw - it. Ki long ki iing kiba shai bad ioh lyer bha, namar ki don shibun ki jingkhong bah bad jingkhong it. Ha kawei pa kawei ka jaka la don iing don ka pung sum kaba khuid. Don ruh shibun ki jingtei tad ki jaka sum paidbai, la Mohenjadarobalaba la tih tad khyllie ia ka lhyndew ba tap ia ka la lap ia ka jaka sum paidbah kata 50m. la 34m. Hapdeng jong kane ka jaka, don ka pung sum, bad sharud jong

ka pat don shibun ki gallery bad ki kamra. Ha Harappa pat la shem ia kawei ka jingtei kaba 50m. la 40m kaba long ka jaka buh kew ne kba. Ki don shibun ki nur um kiba rit ba lam ia ka jakhlia jakhlaid sha kawei pat ka nur um kaba kham heh. Ia ka jakhlia na ki iing bad ki shnong la kit da kane ka nur heh sha jngai. Ki kynthei ki sngewtynnad ban deng kpieng, khadu ne sati ksiar bad rupa. Ki khynnah rit ki ialehkai da ki kali rit ne ki shuki. Ia ki dur briew ne mrad la thaw da ka Tama bad ha ki shap (seal) ba kine ki 'riew hyndai ki shna don ki dur masi, hati bad ter ter. Harud jong kine ki dur pit don ki dak ba thoh, tangba ia kita ki dak ym pat lah ban pule haduh mynta. Ki dur itynnad ba la dro bad ai rong ha ki khiew, ki ia syriem shibun eh ia kito ba la dro da ki nong Sumer ne nong Elam. Ki briew ha ki nongkyndong ki rep ki riang bad kiba ha sor pat ki khaï pateng. Ki nongshong shnong jong ka ri thor Indus ki khaï pateng bad ki nong Mesopotamia bad Egypt. Ki mane ia ka 'lei long kmie (mother goddess); ia u 'lei shynrang uba syriem ia u Siva, ia ki maw, ki dieng ki sïej, bsein bad ki mrad.

Kane ka jingshai ka la don naduh ka snem c 2750 B.C haduh ka lmb 500 B.C.

Ka Dewlynnong Crete

Ka dewlynnong Crete ka don ha ka bynta ba shaphang shathie jong ka ri Europe ha Mediterranean Sea, bad shaphang shathie lam mihngi na ka ri Greece. Ka jingstad bad jing-shai jong ka ki ia ia id ryngkat ryngkat bad ka jong ka ri Egypt Ka khai pateng jong ka Crete bad Egypt naduh ka snem 4000 B.C. ka la long kaba khraw. Ha ka snem 2000 B.C. ka jingshai jong ka Crete ka la poi ha ka kyrdan ba ha khlieh tam. Ka Cnosus ka long ka nongbah jong ka, bad ia u Syiem Crete la khot Minos kumba ia u Syiem Egypt la ju khot u Pharoah. U Minos u shong ha ka iing syiem ia kaba la pynbiang da ki jaka sum ba itynnad, ki kamra kiba heh bad pyngngad, ki hall ia kiba la pynbeit pynriam bha, ka um kaba pahuh, ki syntiew bad kiwei kiwei de ki jingdonkam. Ka iing Syiem nador ba ka long ka jaka pyniaid ia ka synshar ka khadar, ka long ruh ka jaka ha kaba ia shibun ki jingialeh kai bad jingialeh tamasa la pynlong bad pynbiang bha. Kawei na ki jingialehkai kaba ring eh ia ki nongpeitkai ka long ka jingialeh hapteng u briew bad u masi. Ka riam ka beit jong ki kynthai ka long kaba itynnad bad i don burom. Ki kynthai ki sngew-bha eh ban deng ia ki jingdeng kiba kordor ba la thaw na ka ksiar bad rupa kum ki soh shkor, ki kynjri ryndang, ki khadu bad kiwei kiwei de. Ki nong Crete ki long ki nonghaw khiew ba stad, ha kiba la dro ia ki dur ba itynnad bad ba don jingmut kiba khraw. Ki

shna ruh ia ki tiar ki tar na ka, bniat hati
 ki jingdeng na ka ksar bad rupa, ki jain ba
 itynnad lad kiwei kiwei de. Ka jingtrei jong
 ki la kaba thaw ia ki tiar ba ju pyndonkam
 man ka sngi ka long kaba ni bad itynnad
 katta katta, bad kiba iaid dor bha ym tang
 ha shnong la jong, hynrei ha kiwei ruh ki ri.

Ia ka snem 2000 B. C. ka Cnosus bad ka
 Babylon ki la long ki nongbah kiba itynnad
 katta katta kiba la ring ia shibun ki nong-
 iaid pyithe ri ban wan jngoh kai ia ki. Ki
 briew ha kine ki ri ki long kiba la shai bad
 sngewthuh bha, bad ki im ka jingim kaba suk
 bad pahuh pahai. Ki jingleh niam bad jing-
 khawai niam ki long kiba bun bad ki iing
 mane blei ki long kiba itynnad. Ki mraw ki
 pynbiang lut ia ki jingdonkam ki kynrad jong
 ki. Nalorkata, ka iaid ka ieng, ka shong ka
 sah bad ka leit ka wan ki long kiba shngain.

Ka jingkiew khieh jong ka Egypt ka la
 hiar ha ka por jong ka jingsynshar jong ki
 Hyksos kiba long ki Semitic (kum ki Assyrian)
 bad ia kiba la ju khot ki Syiem Ap Langbrot
 (Sheperd kings). Kine ki Syiem Semitic ki la
 tei ia ka nongbah Nineveh ha ka wah Tigris
 ta shaneng, bad ki la poi ruh shaduh Gibralt
 tar ia kaba la ju khot ki paia u Hercules
 (pillars of Hercules) bad ki la buhai shnong ruh
 la ki jaka harud duriaw; hynrei ha ka snem
 1400 B. C. ia ka iing syiem u Minos, la pyn-
 jot noh. Ym da tip thikna bha, ia ka daw
 jong kane ka jingpynjot, hynrei, bun, ki ong,

ba la pyngot ia ka da u jumai uba ljur. Ki
nong Crete ki don la ki jong ki dak la kiba
yan pat lah ban pule haduh mynta mynne.

—o0o—

LYNTHUP—?

CHINA

Ka jingshai jong ka ri China ka ia id
pyngkat bad ka jong ka ri India, bad kumta
ka kham shwa ia ka jingshai bad jingstad jong
ka ri Persia (Iran), Greece bad Rome Ki
nongseng jong kane ka jingshai ki long ki
briew kiba shong harud jong ka wah Wei Ilo
bad nangta ki sa phriang sha ka ri thor jong
ka wah Hwangho ha mihngi bad jong ka wah
Yangtzekiang shathie. Suki suki ki sa pra
bad phriang sha kiwei pat ki bynta jong ka
ri China.

Ka China Proper ka kynthup ia ki bynta
ba seisoñ bad ba bun briew ia kiba la ker
kut da ki lum bad ki ri shyiap na ka liang
sepngi, shatei lam sepngi bad shathie lam sepngi.
Sha mihngi jong kiue ki jaka don ka duriaw bah
Pacific. Ki nong China nalor kine ki jingiada ia
ka ri da ka mariang, ki la tei ruh ia kata ka kyn-
roh bah ba ki khot "The Great Wall of
China" kaba ka lynter jong ka ka long kum-
ba 1500 mile bad kaba ia id naduh Peking ba
Mihngi shaduh Tibet ba Sepngi. Kine ki bynta,
nalor ba ki long kiba seisoñ bha, ki ioh ruh
la u slap ba pahuh. Ki mar poh khyndew
kum ka tama, sisa, tin bad nar ki kynrei.

Ki patsha China ha ki por barim ki long ruh ki lyngdoh bad hapoh jong ki don shibun ki Syiem shnat. Ka kamram ba kongsan jong ki patsha ka long ban pyndep ia ki niam ki rukom bad ka kñia ka khriam jong ki saw aiom jong ka snem. Ki khiew ba la shna da ka rnong ha kito ki por ki dang don haduh mynta bad ki long kiba itynnad bad ba la shna ni bha. Ka jingtrei ba kongsan ka long ka rep ka riang, bad dei ha ka por jong ka jingsynshar jong ki patsha Han kiba la synshar ia ka ri China naduh 200 B.C. haduh 200 A.D. ba ki nong China ki la lap nyngkong ia u sla sha. Ki thain ruh ia ki jain Silk bad ki dak jong kinyngkong eh ki long ki dur jong ki briew ki sim bad ki kulai de. Ki thoh ia ki dak jong ki ha ki lyngkniap dieng ne siej. Kham hadien pat ki shna ia ka kot sada na u siej ne ka jain jot. La ngeit ba ia u mariners compass bad u bakhor la thaw nyngkong eh da ki nong China.

Ki patsha China na ka jait Syiem Han ki la ialeh katba lah ban pyniar ia ka khaï pateng bad kumta la don ka khaï pateng kaba khraw hapteng ka China bad ki ri ha Central Asia bad kumjuh ruh bad ki ri Asia hapoh ka jingsynshar jong ki Greek. Kine ki patsha ki long ruh ki nong kyrshan bad nong pynshlur ia ka thoh ka tar. Ha kaba kut ka jingsynshar jong ki, ki dak jong ka jingtroiñ ka hima ki la sdang ban paw, hynrei haba la wan kawei pat ka jait syiem ba ki

khot, ka Uait Syiem T'ang (618 A.D. haduh 907 (A.D.)), ka ri China ka long ka ri kaba khraw bad don bor. Ka hima jong ka ka phriang shaduh, Caspian Sea ha Sepngi bad Burma shathie ha ka por jong kine ki Syiem T'ang.

o0o

LYNNONG — 8

Ka America Mexico, Yucatan, bad Peru

Ha ki por jong ka Juk Maw ba thym-mai, ka Behring Strait kaba pyniakhlad ia ka ri Asia bad ka ri North America ha ki por mynta kam pat don. Kumta lah ban leit na Asia sha North America na ryngkew. Dei ha kane ka por ba katto katne ki Mongolian ki la leit poi sha Alaska kaba long kawei na ki bynta jong ka United States of North America ha ki por ba mynta, bad ynda ki la ia saphriang bad sapra kylleng ka North America, ki la wan poi sha Mexico (kaba long mynta ka Republic ba heh kaba don shathie na U.S.A.) bad sha Yucatan (kaba long ka Peninsula sepngi na Mexico) bad khatduh eh ki la wan poi sha Peru kaba don ha South America. Kine ki briew ki long ki kpa tym-men jong ki Red Indian bad kiwei pat ki riew rim jong ka Brazil bad kiwei pat ki bynta ba shatei bad shathie jong ka North bad South America bad kumjuh ruh jong ka Malaysia.

Ki in aka jingim kaba sha fuid wir bad
 kyntap na kawei ka jaha bha kawei (pat. Yinda
 ki la poi ha Mexico, Yucatan bad Peru ki la
 sham ba ka khynaw ka long kaba sei soh
 bad kaba bit bha ban rep bam riang. Ki mant
 ia ki 'lei rep 'lei riang. Dei ha kine ki ri ba
 la mih kata ka jingshai bad jingstad kaba kham
 pher na ka jong ka Asia bad Egypt ha ka leh
 niam leh rukom bad knia bad khriam ha ka
 por bet bad por ot. Ia kine ki ri la synshar
 da ki lyngdoh. Dei ha Yucatan ba la mih kita
 ki dak ha ki shot "Maya Waling". Ia kine
 ki dak lah ban pule mynta, bad la ju kham
 pyndonkam ia ki ha ki rukom ba la thoh ia
 ki calender. Ka Maya Civilisation ka la poi
 ha ka kyrdan ba ha khlich tam hapdeng ka
 snem 700 A.D. bad 800 A.D. Ia kine ki dak
 am thym la thoh ia ki ha ki maw it, ne ki
 lyngknap sei ne dieng kamba la long ha Asia,
 bynrei la thoh ia ki ha ka snieh bad kiwei
 pat kiei kiei kiba long kum ma ka. Ha Asia
 bad Egypt ia don ka jingshai kaba ia syriem
 bad ka jong kine ki ri jong ka America ha
 ka snem 3000 ne 4000 B.C. Ka rukom knia
 briew jong ki ha ki dawar ka long kaba
 sngew shykhei. Teng teng ia uba shah knia
 la shu pyniap im im peit peit bad teng teng
 pat ia u klong snam bad ki bynta jong ka
 kpoh la shu sei jabor shabar ha ka rukom
 kaba sngew triem. Ha Asia bad Egypt ki ju
 knia kumne mynshwa, bynrei ia kane ka rukom
 ba sngew shykhei la pynduh neh, bad la
 pynlong jingkala da kiwei pat kiei kiei bad ym
 da u briew. Haba ha Aia bad Egypt ki jing-

shai jong kine ki ri, ki treikam kawei halor
jong kawei pat. Ha Mexico, Peru bad Yucatan
ka long da kumwei pat. Ka jingshai jong
kine ki ri ka sahkut tang ha la ka jong hi
ka ri; kam trei kam ia kiwei pat ki ri. Ka
jingshai jong ki ka long kaba la pynshong
nongrim ha ki temple bad ki rukom kñia ba
bun rukom ha ka por bet ia u symbai bad
ka por ot ne por kheit. Ki mar poh khyndew
ba ki ju pyndonkam ki long ka ksia bad
rupa.



